

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება N01-09/333**

ქ. ბათუმი

07 აგვისტო, 2013 წ.

**ბსუ-ს ტურიზმის ფაკულტეტის იმ სტუდენტთათვის ბსუ-ს სტუდენტის სტატუსის შეწყვეტის თაობაზე ბრძანების გამოსაცემად ადმინისტრაციული წარმოების დაწყების შესახებ, რომელთა საგანმანათლებლო პროგრამის ვადა ამოიწურა 2012-2013 სასწავლო წლის ბოლოს და ვერ შეასრულეს პროგრამით გათვალისწინებული მოთხოვნები**

ტურიზმის ფაკულტეტის დეკანის 2013 წლის 31 ივლისის №3785 მოხსენებითი ბარათით წარმოდგენილ იქნა იმ სტუდენტთა სია, რომელთა საგანმანათლებლო პროგრამის ოპტიმალური ვადა ამოიწურა 2012-2013 სასწავლო წლის ბოლოს, ვერ შეასრულეს პროგრამით გათვალისწინებული მოთხოვნები და ერიცხებათ აკადემიური დავალიანებები. აღნიშნულიდან გამომდინარე კანონშესაბამისია დაიწყოს ამ პირთა მიმართ ადმინისტრაციული წარმოება ბსუ-ს სტუდენტის სტატუსის შეწყვეტის თაობაზე ინდივიდუალური ადმინისტრაციულ-სამართლებრივი აქტის გამოსაცემად.

ბსუ-ს წესდების 66-ე მუხლის მე-5 პუნქტის თანახმად, შესაბამისი საგანმანათლებლო პროგრამის ვადის ამოწურვისთანავე სტუდენტს უწყდება რსუ-ს სტუდენტის სტატუსი. გამონაკლისი შეიძლება დაშვებული იქნას აკადემიური საბჭოს მიერ მიღებული გადაწყვეტილებით. ბსუ-ს აკადემიური საბჭოს მიერ 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-9 მუხლის მე-6 პუნქტის თანახმად, პირს, რომელმაც არ ან ვერ დაასრულა საგანმანათლებლო პროგრამა, უწყდება სტუდენტის სტატუსი.

საქართველოს ზოგადი ადმინისტრაციული კოდექსის 72 - 76-ე და 95 - 101 -ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბათუმის შოთა რუსთაველის სახელმწიფო უნივერსიტეტის წესდების მე-13 და 66-ე მუხლების, უნივერსიტეტის აკადემიური საბჭოს მიერ 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-9 მუხლის მე-6 პუნქტისა და ტურიზმის ფაკულტეტის დეკანის 2013 წლის 31 ივლისის №3785 მოხსენებითი ბარათის საფუძველზე

**ვ ბ რ ძ ა ნ ე ბ :**

1. დაწყებული იქნეს ადმინისტრაციული წარმოება ბსუ-ს სტუდენტის სტატუსის შეწყვეტის თაობაზე ბსუ-ს რექტორის ბრძანების გამოსაცემად ბსუ-ს ტურიზმის ფაკულტეტის იმ სტუდენტთა (დანართი 1) მიმართ, რომელთა საგანმანათლებლო პროგრამის ვადა ამოიწურა 2012-2013 სასწავლო წლის

ბოლოს და ვერ შეასრულეს პროგრამით გათვალისწინებული მოთხოვნები (აქვთ აკადემიური დავალიანებები);

2. დაინტერესებულ პირებს - სტუდენტებს (*დანართი 1*), ადმინისტრაციულ წარმოებაში მათი მონაწილეობის უზრუნველყოფის მიზნით, განემარტოთ, რომ შეუძლიათ **7 დღის ვადაში** წარმოადგინონ ბსუ-ს კანცელარიაში წერილობითი მოსაზრებები გამოსაცემ აქტთან დაკავშირებით;

3. ბსუ-ს სტუდენტის სტატუსის შეწყვეტის შესახებ ბრძანება გამოიცეს 2013 წლის 13 აგვისტოს შემდეგ, ჩატარებული ადმინისტრაციული წარმოების შედეგად, საქმის გარემოებების დეტალურად გამოკვლევისა და შესწავლის საფუძველზე;

4. ბრძანება ოფიციალური გაცნობის მიზნით გამოქვეყნდეს ბსუ-ს კანცელარიასთან არსებულ და შესაბამისი ფაკულტეტის საინფორმაციო დაფებზე (საჯარო გამოცხადება), რისი უზრუნველყოფა დაევალოს შესაბამისი ფაკულტეტის დეკანატსა და კანცელარიას. ასევე განთავსდეს ბსუ-ს ვებ-გვერდზე.

5. ადმინისტრაციული წარმოება განხორციელდეს სსიპ - ბათუმის შოთა რუსთაველის სახელმწიფო უნივერსიტეტში, ქ. ბათუმი, ნინოშვილის ქ. №35;

6. ბრძანება შეიძლება გასაჩივრდეს მისი გამოცემიდან ერთი თვის ვადაში საქართველოს განათლებისა და მეცნიერების სამინისტროში (ქ. თბილისი, დიმიტრი უზნაძის ქ. №52);

7. ბრძანება ძალაშია გამოცემისთანავე.

**რექტორი, პროფესორი**

**ა.ბაკურიძე**

ტურიზმის ფაკულტეტი

2012-2013/წ

№	სპეციალობა	საფეხური	გვარი, სახელი	პირადი/№	დარჩენილი კრედიტები
1.	ტურიზმი	საბაკალავრო	ახვლედიანი არჩილ		23.5 კრედიტი
2.	ტურიზმი	საბაკალავრო	თურმანიძე ნანა		24 კრედიტი
3.	ტურიზმი	საბაკალავრო	კაკალაძე მარიამ		35 კრედიტი
4	ტურიზმი	საბაკალავრო	კვირიკაძე გელა		20 კრედიტი
5	ტურიზმი	საბაკალავრო	მჟავია მარიკა		10 კრედიტი
6	ტურიზმი	საბაკალავრო	ნატარიძე კახა		10 კრედიტი
7	ტურიზმი	საბაკალავრო	ნაჭყეზია ქრისტინე		105 კრედიტი
8	ტურიზმი	საბაკალავრო	ჟღენტა მინდია		10 კრედიტი